

## Pars III.



**Ordo  
administrandi Sacra-  
menta  
et Infirmorum cura.**

## Ordo Baptismi Parvulorum.

**S**acerdos interrogat: N. quid petis ab Ecclesia Dei?

**Patrinus respondet:** Fidem.

**Sacerdos:** Fides, quid tibi præstas?

**Patrinus respondet:** Vitam æternam.

**Sacerdos:** Si igitur vis ad vitam ingredi, serva mandata. Diliges Dominum Deum tuum ex toto corde tuo, et ex tota anima tua, et ex tota mente tua, et proximum tuum sicut te ipsum.

**Deinde ter exsufflet leniter in faciem infantis, et dicat semel:** Exi ab eo (vel ab ea), immunde spiritus, et da locum Spiritui Sancto Paracito.

**Postea pollice faciat signum Crucis in fronte, et in pectore infantis, dicens:** Accipe signum Crucis tam in fronte ✕, quam in corde ✕, sume fidem

cælestium præceptórum: et talis esto móribus, ut templum Dei jam esse possis.

Orémus.

Preces nostras, quæsumus Dómine, cleménter exaudi: et hunc Elec-tum tuum N. Crucis Domínicæ im-pressióne signátum perpétua virtúte custodi: ut magnitudinis gloriæ tuæ rudiménta servans, per custódiam mandatórum tuórum ad regeneratiōnis gloriā pervenire mereátur. Per Christum Dóminum nostrum.

R. Amen.

**Deinde imponat manum super caput infantis, ac dicat:**

Orémus.

**O**mnipotens, sempiterne Deus, Pater Dómini nostri Iesu Christi, respí-cere dignare super hunc fábulum tuum N. quem ad rudiménta fidei vocare dignatus es: omnem cæcitatē cordis ab eo expelle: disrumpere omnes láqueos sátanæ, quibus fü-erat colligatus: áperi ei, Dómine, já-nuam pietatis tuæ, ut signo sapien-tiae tuæ imbūtus, ómnium cupiditatum foetóribus cárreat, et ad suávem odorem præceptórum tuórum lăetus

tibi in Ecclésia tua desérviat, et proficiat de die in diem. Per eúndem Christum Dóminum nostrum.

R. Amen.

Deinde Sacerdos benedit sal, quod semel benedictum alias ad eundem usum deservire potest.

*Benedictio Salis.*

Exorcizo te, creatura salis, in nōmine Dei Patris omnipotētis ✕, et in caritatē Dómini nostri Jesu Christi ✕, et in virtutē Spiritus ✕ Sancti. Exorcizo te per Deum vivum ✕, per Deum verum ✕, per Deum sanctum ✕, per Deum ✕, qui te ad tutélam humáni géneris procreávit, et pôpulo veníenti ad credulitatem per servos suos consecrári præcepit, ut in nōmine sanctæ Trinitatis effugândum inimicum. Proinde rogámus te, Dómine, Deus noster, ut hanc creaturam salis sanctificândo sanctifices ✕, et benedicendo benedicas ✕, ut sit ómnibus accipiéntibus perfœcta medicina, pémanens in viscéribus eórum, in nōmine ejusdem Dómini nostri Jesu Christi, qui venturus est judicare vivos et mórtuos, et sǽculum per ignem. R. Amen.

Deinde immittat modicum salis benedicti in os infantis, dicens: N. Accipe sal sapiéntiae: propitiatio sit tibi in vitam ætérnam. R. Amen.

Sacerdos: Pax tibi. R. Et cum spíritu tuo.

Orémus.

Deus patrum nostrorum, Deus univérsæ cónditor veritatis, te súpplices exorámus, ut hunc fámulum tuum N. respicere dignéris propítius, et hoc primum pábulum salis gustántem, non diútius esurire permittas, quo minus cibo expleátur cœlesti, quátenus sit semper spíritu fervens, spe gaudens, tuo semper nōmini sérviens. Perduc eum, Dómine, quæsumus, ad novæ regenerationis lavácrum, ut cum fidélibus tuis promissiónum tuárum ætérna præmia cónsequi mereátur. Per Christum Dóminum nostrum. R. Amen.

Exorcizo te, immunde spíritus, in nōmine Patris ✕, et Filii ✕, et Spiritus ✕ Sancti, ut éxeas, et recédas ab hoc fámulo Dei N. Ipse enim tibi imperat, maledicte damnáte, qui pédibus super mare ambulávit, et Petro mergénti déxteram porréxit.

Ergo, maledicte diábole, recognósce sententiam tuam, et da honórem Deo vivo et vero, da honórem Jesu Christo Filio ejus, et Spiritui Sancto, et recéde ab hoc fámulo Dei N., quia istum sibi Deus et Dóminus noster Jesus Christus ad suam sanctam grátiam, et benedictióнем, fontémque Baptismatis vocáre dignátus est.

*Hic pollice in fronte signat infantem, dicens:* Et hoc signum sanctae Crucis  quod nos fronti ejus damus, tu, maledicte diábole, numquam aúdeas violáre. Per eúmdem Christum Dóminum nostrum. R. Amen.

*Mox imponit manum super caput infantis, et dicit:*

Orémus.

**A**Eternam, ac justissimam pietátem tuam déprecor, Dómine sancte, Pater omnípotens, æterne Deus, auctor lúminis et veritatis, super hunc fámulum tuum N., ut dignérис illum illuminare lúmine intelligéntiæ tuæ: munda eum, et sanctifica: da ei sciéntiam veram, ut dignus grátia Baptismi tui efféctus, téneat firmam spem, consilium rectum, doctrinam sanctam. Per Christum Dóminum nostrum.

R. Amen.

*Postea Sacerdos imponit extremam partem stolæ super infantem, et introducit eum in Ecclesiam, dicens:*

N. Ingrédere in templum Dei, ut hábeas partem cum Christo in vitam æternam. R. Amen.

*Cum fuerint Ecclesiam ingressi, Sacerdos procedens ad Fontem cum Susceptoribus conjunctim clara voce dicit:*

**C**redo in Deum, Patrem omnipoténtem, creatórem cœli, et terræ. Et in Iesum Christum, Fílium ejus únicum, Dóminum nostrum; qui concéptus est de Spíritu Sancto, natus ex María Vírgine; passus sub Póntio Piláto, crucifixus, mórtuus, et sepultus; descendit ad inferos, tértia die resurréxit a mórtuis: ascéndit ad cœlos, sedet ad dexteram Dei Patris omnipoténtis: inde venturus est judicáre vivos, et mórtuos. Credo in Spíritum Sanctum; sanctam Ecclesiás Cathólicam; Sanctórum communionem; remissiónem peccatórum; carnis resurrectionem; vitam æternam. Amen.

*Pater noster, qui es in cœlis, sanctificétur nomen tuum: advéniat regnum tuum: fiat volúntas tua, sic-*

ut in cœlo, et in terra. Panem nostrum quotidianum da nobis hodie: et dimitte nobis debita nostra, sicut et nos dimittimus debitóribus nostris: et ne nos inducas in tentationem: sed libera nos a malo. Amen.

*Ac deinde, antequam accedat ad Baptisterium, dicat:*

*Exorcismus.*

**E**xorcizo te, omnis spiritus immunitus de, in nomine Dei Patris omnipotenti ✕, et in nomine Iesu Christi Filii ejus, Domini et Judicis nostri ✕, et in virtute Spiritus ✕ Sancti, ut discendas ab hoc plasmate Dei N., quod Dominus noster ad templum sanctum suum vocare dignatus est, ut fiat templum Dei vivi, et Spiritus Sanctus habitet in eo. Per eundem Christum Dominum nostrum, qui venturus est judicare vivos et mortuos, et saeculum per ignem. R. Amen.

*Postea Sacerdos digito accipiat de saliva oris sui, et tangat aures et nares infantis: tangendo vero aurem dexteram, et sinistram, dicat: Ephpheta, quod est Adaperire: deinde tangit naras, dicens: In odorem suavitatis. Tu autem effugare, diabole; appropinquabit enim iudicium Dei.*

*Postea interrogat baptizandum nominatum, dicens:*

N. Abrenuntias Sathanæ?

*Respondet Patrinus: Abrenuntio.*

Sacerdos: Et omnibus operibus ejus?

*Patrinus: Abrenuntio.*

Sacerdos: Et omnibus pompis ejus?

*Patrinus: Abrenuntio.*

*Deinde Sacerdos intingit pollicem in oleo Catechumenorum, et infantem ungit in pectore, et inter scapulas in modum crucis, dicens:*

Ego te limo ✕ oleo salutis in Christo Jesu Domino nostro, ut habeas vitam aeternam. R. Amen.

*Hic deponit stolam violaceam, et sumit aliam albi coloris.*

*Subinde pollicem et inuncta loca absertigerit bombacio, vel re simili. Et interrogat expresso nomine baptizandum, Patrino respondente:*

N. Credis in Deum Patrem omnipotentem, Creatorem coeli et terrae? R. Credo.

Credis in Iesum Christum, Filium ejus unicum, Dominum nostrum, natum, et passum? R. Credo.

Credis et in Spiritum Sanctum, sanctam Ecclesiam Catholicam, San-

ctórum communiónem, remissiónem peccatórum, carnis resurrectióne, et vitam ætérnam? R. Credo.

*Subinde expresso nomine baptizandi, Sacerdos dicit: N. Vis baptizári?*

*Respondet Patrinus: Volo.*

*Tunc Patrino, vel Matrina, vel utroque (si ambo admittantur) infantem teneente, Sacerdos vasculo, seu urceolo accipit aquam baptismalem, et de ea ter fundit super caput infantis in modum crucis, et simul verba proferens, semel tantum distinete, et attente, dicit:*

N. Ego te baptizo in nómine Patris **✚**, fundat primo, et Filii **✚**, fundat secundo, et Spíritus **✚** Sancti, fundat tertio.

*Ubi autem est consuetudo baptizandi per immersionem, Sacerdos accipit infantem, et advertens ne lædatur, caute immergit, et trina mersione baptizat, et semel tantum dicit:*

N. Ego te baptizo in nómine Patris **✚**, et Filii **✚**, et Spíritus **✚** Sancti.

*Mox Patrinus, vel Matrina, vel uterque simul infantem de sacro Fonte levant, suscipientes illum de manu Sacerdotis.*

*Si vero dubitatur, an infans fuerit baptizatus, utatur hac forma: N. Si non es baptizátus, ego te baptizo in nómine Patris **✚**, et Filii **✚**, et Spíritus **✚** Sancti.*

*Deinde intingit pollicem in sacro Chrismate, et ungit infantem in summitate capitis in modum crucis, dicens:*

*D*eus omnípotens, Pater Dómini nostri Jesu Christi, qui te regenerávit ex aqua et Spíritu Sancto, quique dedit tibi remissiónem ómnium peccatórum, (*hic inungit*) ipse te liniat Chrísmate salútis **✚** in eódem Christo Jesu Dómino nostro in vitam ætérnam. R. Amen.

*Sacerdos dicit: Pax tibi. R. Et cum spíritu tuo.*

*Tunc bombacio, aut re simili abstergit pollicem suum, et locum inunctum, et imponit capiti ejus linteolum candidum loco vestis albæ, dicens:*

*Accipe vestem cándidam, quam immaculátam pérferas ante tribúnum Dómini nostri Jesu Christi, ut hábeas vitam ætérnam. R. Amen.*

*Postea dat ei, vel Patrino, candelam accensam, dicens: Accipe lámpadem ardéntem, et irreprehensibilis custódi*

Baptismum tuum: serva Dei mandata, ut cum Dóminus véniterit ad nuptias, possis occurrere ei una cum ómnibus Sanctis in aula cœlesti, habéasque vitam æternam, et vivas in sǽcula sæculórum. R. Amen.

*Postremo Sacerdos dicit:* N. Vade in pace, et Dóminus sit tecum.

R. Amen.

### Ordo supplendi omissa super Baptizatum.

Cum, urgente mortis periculo vel alia cogente necessitate, parvulus, sacris Preciis ac Cæremoniis prætermisso, fuerit baptizatus, ubi convaluerit, vel cessaverit periculum, et ad Ecclesiam delatus fuerit, omissa omnia suppleantur: idemque ordo ac ritus servetur. Excepto quod interrogatio: an velit baptizari, formaque Baptismi et ablutionis prætermituntur, et quædam Orationes et Exorcismi suo quique loco immutati, ut infra dicuntur.

*Sacerdos igitur, antequam immittat sal in os baptizati, manum super caput ejus imponens, dicit:*

Orémus.

Omnípotens, sempitérne Deus, Pater Dómini nostri Jesu Christi, respicere dignérис super hunc fámulum tuum N., quem dudum ad rudiménta

fidei vocare dignátus es: omnem cætitatem cordis ab eo expelle: disrúmpe omnes láqueos Sátanæ, quibus fúerat colligátus: áperi ei, Dómine, jánuam pietatis tuæ, ut signo sapiéntiae tuæ imbútus, ómnium cupiditatum fœtóribus cárreat, et ad suávem odórem præceptórum tuórum lætus tibi in Ecclésia tua desérviat, et proficiat de die in diem, ut idóneus sit frui grácia Baptismi tui, quem suscépit, salis percépta medicina. Per eúndem Christum Dóminum nostrum. R. Amen.

*Deinde, posteaquam modicum salis immisit in os baptizati, dicens:*

N. Accipe sal sapiéntiae, propitiatio sit tibi in vitam æternam. R. Amen.

*Dicit:* Pax tecum.

R. Et cum spíritu tuo.

Orémus.

Deus patrum nostrórum, Deus univérsæ cónditor veritatis, te súplices exorámus, ut hunc fámulum tuum N. respicere dignéris propitius, et hoc pábulum salis gustántem, non diútius esurire permittas, quo minus cibo expleátur cœlesti, quatenus sit semper spíritu fervens, spe gaudens, tuo semper nómini sér-

viens; et quem ad novæ regeneratiōnis lavácrum perduxisti, quæsumus, Dómine, ut cum fidélibus tuis promissiōnum tuárum ætérna præmia cónsequi mereátur. Per Christum Dóminum nostrum. R. Amen.

*Post hæc, facto signo Crucis in fronte baptizati, dictisque illis verbis:*

Et hoc signum Crucis ✕, quod nos fronti ejus damus, tu, maledicte diabolæ, numquam aúdeas violare. Per eúmdem Christum Dóminum nostrum. R. Amen.

*Manu super caput ejus imposta, dicit  
Orémus.*

Ætérnam ac justissimam pietátem tuam déprecor, Dómine sancte, Pater omnípotens, ætérne Deus, auctor lúminis et veritatis, super hunc fámulum tuum N., ut dignéris illum illuminare lúmine intelligéntiae tuæ: munda eum, et sanctifica: da ei scientiam veram, ut dignus sit frui grácia Baptismi tui, quem suscépit: teneat firmam spem, consilium rectum, doctrinam sanctam, ut aptus sit ad retinéndam grátiā Baptismi tui. Per Christum Dóminum nostrum.

R. Amen.

### Formula Absolutionis Sacramentalis Communis.<sup>1</sup>

*Confessarius, cum Pénitentem absolvere voluerit, injuncta ei prius, et ab eo acceptata salutari pénitentia, primo dicit:*

Misereáter tui omnípotens Deus, et dimissis peccátis tuis, perdúcet te ad vitam ætérnam. Amen.

*Deinde dextera versus Pénitentem elevata, dicit:*

Indulgéntiam, absolutiōnem ✕, et remissiōnem peccatórum tuórum tríbuat tibi omnípotens, et misericors Dóminus. Amen.

Dóminus Noster Jesus Christus te absolvat: et ego, auctoritatē ipsius, te absolvó ab omni vinculo excommunicationis, (suspensiōnis) et interdicti, in quantum possum, et tu indiges.

*Deinde ego te absolvó a peccátis tuis, in nómine Patris ✕, et Filii, et Spiritus Sancti. Amen.*

<sup>1</sup> Antequam incipiatur Confessio, Confessarius solet Pénitenti benedictionem impetriri hisce verbis: Dóminus sit in corde tuo et in lábiis tuis, ut rite confiteáris ómnia peccata tua. In nómine Patris †, et Filii, et Spiritus Sancti. Amen.

*Si Pœnitens sit laicus, omittitur verbum suspensiōnis.*

Pássio Dómini nostri Iesu Christi, mérita Beátæ Mariæ Vírginis, et ómnium Sanctórum, quidquid boni féceris, et mali sustinueris, sint tibi in remissióne peccatórum, augmén-  
tum gratiæ, et præmium vitæ æter-  
næ. Amen.

*In Confessionibus autem frequentioribus et brevioribus omitti potest Misereártur, etc., et satis erit dicere: Dóminus noster Jesus Christus etc., ut supra, usque ad illud Pássio Dómini nostri, etc.<sup>1</sup>*

*Urgente vero aliqua gravi necessitate in periculo mortis, breviter dicere poterit:*

Ego te absólvo ab ómnibus censú-  
ris, et peccátis, in nómine Patris **✚**,  
et Filii, et Spíritus Sancti. Amen.

*N.B. Sacerdos superpelliceo, et stola  
violacei coloris utatur, prout tempus,  
vel locorum feret consuetudo.*

<sup>1</sup> Etiam exclusive. (Decr. S. R. C. 27. Fe-  
bruarii 1847.)

**Forma Absolutionis ab Excommunica-  
tione in foro interiori.**

*In foro interiori Confessarius habens  
facultatem absolvendi Excommunicatum,  
absolvat juxta formam communem su-  
pra præscriptam in absolutione sacra-  
mentalı.*

De modo absolvendi a Suspensione vel  
ab Interdicto extra vel intra sacramen-  
talem Confessionem.

*Si Sacerdoti sit commissa facultas  
absolvendi a Suspensione, vel Interdicto,  
quamvis nulla verba sint præcipue de-  
terminata, uti poterit hac formula:*

*Pœnitens dicat: Confiteor Deo o-  
mnipotenti, etc.*

*Sacerdos: Misereártur tui etc., In-  
dulgéntiam, etc.*

*Auctoritaté mihi ab N. trádita, ego  
absólvo te a vínculo suspensiōnis  
(vel interdíc̄ti), quam (vel quod) pro-  
pter tale factum (vel talem causam)  
incurrísti (seu incurrisse declarátus es),  
in nómine Patris **✚**, et Filii, et Spí-  
ritus Sancti. Amen.*

**Forma Dispensationis in Irregularitate.<sup>1</sup>**

*Si Confessario, sive in foro conscientiae, sive extra, data est potestas dispensandi super Irregularitate, tunc, postquam absolverit Pœnitentem a peccatis, addat consequenter:*

*Et eadem auctoritate dispenso tecum super irregularitate (vel irregularitatibus, si sint plures), in quam (vel in quas) ob talem causam (vel tales causas, eas exprimendo) incurristi: et hábilem reddo, et restitu te executioni Ordinum, et Officiorum tuorum, in nōmine Patris ✠, et Filii, et Sp̄ritus Sancti. Amen.*

*Si nullum habet Ordinem, dicatur: Hábilem reddo te ad omnes Ordines suscipiéndos, vel etiam ad alia, juxta tenorem mandati.*

*Quod si necesse sit titulum Beneficii restituere, et fructus male perceptos condonare, subjungat:*

*Et restituo tibi titulum (seu títulos) Beneficii (seu Beneficiorum), et condono tibi fructus male percepitos. In*

<sup>1</sup> Pro commutatione et dispensatione votorum et impedimentorum Matrimonii sufficit quidem ut cumque indicare voluntatem præsentem, quia nulla forma præscripta est.

nōmine Patris ✠, et Filii, et Sp̄ritus Sancti. Amen.

*Advertat autem Sacerdos, ne ullo modo in iis facultatis suæ terminos excedat.*

**Cura Infirmorum.****Ordo Viaticum infirmis admini-  
strandi.**

*Sacerdos ingrediens locum, ubi jacet infirmus, dicat:*

**X.** Pax huic dómui. **R.** Et ómnibus habitantibus in ea.

*Tum depositum Sacramentum super mensa, supposito corporali, genuflexus adorat, omnibus in genua procubentibus: et mox accepta aqua benedicta, aspergit infirmum et cubiculum, dicens Antiphonam: Aspérges me, Dómine, hyssópo, et mundábor: lavábis me, et super nivem dealbábor: et primum versus Psalmi Miserére mei, Deus, cum Glória Patri. Sicut erat, etc.*

*Deinde repet. Ant. Aspérges me, etc.*

*Postea **X.** Adjutorium nostrum in nōmine Dómini. **R.** Qui fecit cælum et terram.*